



Agency for Development of Higher Education and Quality Assurance of Bosnia and Herzegovina

Broj: 05-37-1-231-2/19

Datum: 20.5.2019. godine

Na osnovu člana 14, stava 2. i 3. Zakona o slobodi pristupa informacijama u Bosni i Hercegovini („Službeni glasnik Bosne i Hercegovine“, broj 28/00, 45/06, 102/09, 62/11 i 100/13), postupajući po zahtjevu od 30.4.2019. godine, direktor Agencije za razvoj visokog obrazovanja i osiguranje kvaliteta Bosne i Hercegovine *donosi*

RJEŠENJE o pristupu informacijama

Odobrava se pristup traženim informacijama.

O b r a z l o ž e n j e

obratila se Agenciji za razvoj visokog obrazovanja i osiguranje kvaliteta Bosne i Hercegovine (u daljnjem tekstu: Agencija) sa zahtjevom da joj se, u skladu sa Zakonom o slobodi pristupa informacijama u Bosni i Hercegovini, odobri pristup informacijama u vezi sa akreditacionim statusom visokoškolskih ustanova koje funkcionišu na području Brčko distrikta BiH, kao i zbog čega univerziteti sa početnim akreditacijama sa navedenog područja nisu upisani u odgovarajuću info listu Agencije o akreditovanim visokoškolskim ustanovama u BiH.


Ispitavanjem osnovanosti zahtjeva utvrđeno je da je sačinjen u skladu sa Zakonom o slobodi pristupa informacijama u Bosni i Hercegovini, te je Agencija, cijeneći javni interes i odredbe važećih propisa odlučila da udovolji zahtjevu podnosioca zahtjeva, odnosno da odobri pristup traženim informacijama.


Postupajući po navedenom zahtjevu, utvrđeno je da Agencija raspolaže traženim informacijama i nakon uvida u službene evidencije utvrđeno je da visokoškolske ustanove s područja Brčko distrikta BiH nisu prošle postupak akreditacije. Zahtjev za pokretanje postupka institucionalne akreditacije podnijeli su Evropski univerzitet Brčko distrikta BiH i Internacionalni univerzitet Brčko distrikta BiH. Postupak akreditacije nije okončan i iz tog razloga navedene visokoškolske ustanove s područja Brčko distrikta BiH nisu upisane u Državni registar akreditiranih visokoškolskih ustanova, niti navedene u Listi akreditiranih visokoškolskih ustanova u Bosni i Hercegovini dostupnoj na internet stranici Agencije. Za ostale visokoškolske ustanove koje djeluju na području Brčko distrikta BiH kod Agencije nije pokrenut postupak akreditacije.

Pouka o pravnom lijeku: Protiv ovog rješenja može se izjaviti žalba Žalbenom vijeću pri Vijeću ministara Bosne i Hercegovine, Trg BiH br. 1, 71 000 Sarajevo, u roku od 15 dana od dana dostavljanja istog.


Uputstvo o pravu obraćanja ombudsmenu: Možete se obratiti i Ombudsmenu za ljudska prava Bosne i Hercegovine na adresu Akademika Jovana Surutke 13, 78000 Banjaluka, tel/fax 051 303 992.

Dostaviti:

- Sektor 05
-  Službenik za informacije
- arhiva



DIREKTOR


Prof. dr. Enver Halilović

www.hea.gov.ba, e-mail: info@hea.gov.ba

BA – 78000 Banja Luka, Akademika Jovana Surutke 13, Tel.: +387 51 430 510, Fax: +387 51 462 302